

2 Thessalonians

Saint Paul, Thessalonica gwizhit Gwik'injiighit Najj ts'a' Neech'adaant'oo

1 ¹Jii t'ee Paul, Silas, ts'a' Timothy najj haa Thessalonica kwaiik'it gwachoo gwizhit juu tr'igiinkhii zeh gwizhit gwik'injiighit najj, juu Vit'eegwijyahchy'aa Diiti' ts'a' K'eegwaadhat Jesus Christ ts'an nilii najj nakhwats'a' ch'adaraant'oo.

²Vit'eegwijyahchy'aa Diiti' ts'a' K'eegwaadhat Jesus Christ haa, tsinehdan ts'a' ch'eegoonzhrij nakhwats'an gohtsyaa.

K'eegwaadhat Nineeheedyya Ts'a' Digii Najj Jidii Gaiiyigiltsajj Goovant'eehee'aa

³Shijyaa najj, nakhweh'an gweedhaa datthak Vit'eegwijyahchy'aa mahsi' varahaanjyaa gwizhrjh, jyaa digwin'in ts'ajj gwinzii, K'eegwaadhat Jesus Christ gwint'oo k'injuhkhith qhljj geh'an, ts'a' ch'et'igwiniindhan nihleenjit akhwa'ii ajj chan nitsii ilii. ⁴Jyats'a' geh'an nijin datthak Vit'eegwijyahchy'aa vigii najj nakwashoo tr'ahljj haa goovaagwaraandak, dinjii najj gwik'injuhkhith geh'an deegwaht'oo khaiinjich'anakhwagahkhith googaa nihk'it khadhoochi' kwaa haa Jesus k'injuhkhith.

⁵Vit'eegwijyahchy'aa juu iizuy akwat nizij haa nihhikh'it oohaahkat, ts'a' nats'ahts'a' dinjii ginlii k'iighai' Vit'eegwijyahchy'aa Veegwinii'ee gwagwahah'yaa, Vit'eegwijyahchy'aa k'injuhkhith geh'an khaiinjich'anakhwagahthat t'oonchy'aa.

⁶Vit'eegwiyjahchy'aa khit gwinzii t'ii'in t'inchy'aa aji geh'an juu khaiinjich'inakhwagahthat naji khaiinjich'ahahthat t'inchy'aa. ⁷Ts'a' dinjii naji khaiinjich'akhwaghit nakhwagahtsii aji jyaa digii'in kwaa goohahtsyaa ts'a' diikhwan chan khaiinjich'idiigahkhit kwaa goohahtsyaa. Jii nijin K'eegwaadhat Jesus zheekat gwats'an dizheekat gwich'in naji haa ko' ak'an k'it t'aih jiintsii haa vigweelkij ji' jyaa digweheenjyaa. ⁸Juu Vit'eegwiyjahchy'aa haashoondaii niindhan kwaa naji, ts'a' K'eegwaadhat Jesus Vagwandak Nizii k'eegwahthat kwaa naji ko' haa agwahahshii t'inchy'aa. ⁹K'eegwaadhat Jesus ndaagwaa'aji kwaa gwats'a' googwantrii haa khaiinjich'agoohahthat ts'a' K'eegwaadhat vich'eegwahndit vat'aii jiintsii duuyeh gwagwaah'in t'oonchy'aa. ¹⁰Nijin K'eegwaadhat Jesus neenezhii ji' juu gwik'injiighit naji datthak gihaah'aa gooveenjit dee'ya' aji geenjit, ts'a' juu yik'injiighit naji iyaa gooveechii t'igwiizhit haa shoo giheelyaa. Nakhwan chan gwitee hooky'aa, deenakhwarahnyaa gwik'injiighit geh'an.

¹¹Jii gineegwaandaii geh'an khit nakhweenjit kharigidiinjii, t'oonchy'aa, nijin Jesus nineezhii ji' Vit'eegwiyjahchy'aa dinjii vatr'agwaanduu kwaa ooli' nakhwaa haanjyaa geenjit, ts'a' khit nakhwagwik'injigwiighit zhit gwinzii zhrih t'akhwa'ya' hqohkhyaa geenjit. ¹²Jii geenjit kharigidiinjii, K'eegwaadhat Jesus nakhweenjit deezhik geh'an dinjii naji deegiihah'aa, ts'a' nakhwan chan deenakhwahah'aa, ts'a' Diivit'eegwiyjahchy'aa ts'a' K'eegwaadhat Jesus Christ haa gooch'eegoonzhrii zhit diigoohakky'aa geenjit kharigidiinjii.

**K'eegwaadhat Jesus Nineeheedyya Gwehkij Dinjii Ch'ihlak
Tr'aanduu Nili Dzaa gwats'a' Heekhaa T'oonchy'aa**

2 ¹Juk it'ee nijin ji' K'eegwaadhat Jesus Christ nineeheedyya geenjit nakhwats'a' ch'adareheent'oo, ts'a' Vit'eegwiyjahchy'aa khaihlan nidiiheelyaa ts'a' khaihlok vats'a' nireheeda. Diichaa naji, jii jyaa dakhwa'in nakhwarahnyaa t'igwinyaa, ²Dinjii ch'ihlee K'eegwaadhat ch'ada'i hee nineezhii t'inchy'aa nakhwagahnyaa ji' gook'injuhkhith shrq', ts'a' geenjit chan tr'agohdii ts'a' zhyaa k'ii'an ninjich'ohthat shrq'! Duulee nakhwats'a' Vit'eegwiyjahchy'aa veenjit girinkhii akwat nijin geenakhwarahtan akwat nakhwats'a' ch'adarant'oo haa jyaa digwinyaa giindhan t'iginyaa. ³Tsinteenakhwagohkaii gwits'i' adak'oqntii. Dinjii lejii naji K'eegwaadhat k'eegwahthat kwaa

gweheelyaa. Dinjii tr'aanduu ch'ihlak, chan Vit'eegwijyahchy'aa zhit jidii datthak inehts'i' nilii agwahahkyaa aji dinjii tr'aanduu ch'ihlak t'ee yeendaa ji' ndaagwaa'aji' kwaa gwats'a' datthak heek'an (Hell) t'inchy'aa, jii jyaa gwiizhit aji't'lee t'ohju' hee K'eegwaadhat Jesus Christ nineeheedyya t'oonchy'aa. ⁴Jidii ch'ik'itilti' datthak ts'a' chan jidii ts'a' khadigiriinjii datthak gwinehts'i' heelyaa ts'a' jidii datthak andaa ndak adahaachyaa ts'a' Vit'eegwijyahchy'aa Vakharigidiinjii Zehh gaa nihdeeheehaa ts'a' heendyya ts'a' Vit'eegwijyahchy'aa ihlii heenjyaa t'inchy'aa.

⁵Nijin nakhwaa dhiidii dai' jii kwaii datthak nakhwaagwaldak ganoondai? ⁶Ts'a' juk dinjii tr'aanduu vagwahahkyaa gwits'i' yuuta' gaakhwandaii, nijin gwik'it nagwaanaji' ji' vagwahahkyaa geh'an. ⁷Aji tr'aanduu ch'ada'i' hee nagwaa'iji' haa dinjii naji' tee tr'agwah'in, gaa Vit'eegwijyahchy'aa zhak yuuta' aji' tth'aii hee yuuhohta' t'inchy'aa, dahthee gihleeyahahchyaa gwats'a' datthak. ⁸Aji't'lee t'ee dinjii tr'aanduu ch'ihlak vagwahaakyaa, gaa K'eegwaadhat Jesus nineezhii ji' dighit gwats'an jyaa diiyahnyaa haa, nindal gwaahchy'aa gwizhit vich'eegwahndit kwaii haa yehdaa tr'igwihee'aa t'inchy'aa. ⁹Dinjii Tr'aanduu ch'ihlak dzaa gwats'a' heekhaa ts'a' Satan vat'aih t'eehaahchy'aa haa gwigwee'in ts'a' geegwaroolii kwaa nihlehjuk t'iichy'aa k'it t'inchy'aa haa tsintech'ahaahkaii t'inchy'aa. ¹⁰Ts'a' jidii tr'agwaanduu t'igwii'in datthak t'eehaahchy'aa ts'a' juu Vit'eegwijyahchy'aa an hahtsyaa naji' neheen'ee. Gwandak Nizii aji' hi'didlii, shoo haa goonjii kwaa geh'an an giheelyaa, aji' googaa khan Vit'eegwijyahchy'aa neegoohahshii ji' gaa t'oonchy'aa. ¹¹Vit'eegwijyahchy'aa, t'aih datthak vaa gwiizuu tr'agwarah'in goots'an hahtsyaa aji' gwik'iighai' jidii hi'deegwidlii kwaa aji' k'injigiheeghit t'oonchy'aa. ¹²Juu Gwandak Nizii geenjit hi'deegwidlii gwik'injiighit kwaa gaa datr'agwaanduu t'ii'in gwizhit vaashroonchy'aa naji' t'ee an heelyaa t'oonchy'aa.

Thessalonian Gwich'in Naji' Tseenjyaa Gwandak Nizii K'injuhkhith Gwint'aii Gqhta'

¹³Gweedhaa datthak, Vit'eegwijyahchy'aa vats'a' nakhweenjit mahsi' gweheenjyaa gwizhrih, shijyaa naji, nakhwan t'ee K'eegwaadhat nakhweet'iindhan geh'an Vit'eegwijyahchy'aa nakhwan tr'ookit gwitee tr'anakhweiinlii t'oonchy'aa. Jyqhts'a' Ch'ankey'aa Shroodiinya' vat'aii zhit neenakhwahshii ts'a'

shroodiinyaą khohlyaa geenjit ts'a' gwik'iighai' chan hi'deegwidlii zhit gwik'injihooghit geenjit. ¹⁴Gwandak Nizii nakhwaagwaraandak k'iighai' neehohshii geh'an Vit'eegwijyahchy'aa gwitee tr'anakhwanlii ts'a' gwik'iighai' chan Diik'eegwaadhat Jesus Christ vich'eegwahndit zhit vaa khohlyaa. ¹⁵Ajits'a' chan shachaa naji, jidii diighit haa geenakhwarahtan akwat dehtly'aa nakhwats'a' daraant'oo aji kwaii tseenjyaa gwiint'aii ts'a' gwik'injuhkhit.

¹⁶Diik'eegwaadhat Jesus Christ, adan ts'a' Diiti' Vit'eegwijyahchy'aa, juu diineet'iindhan ts'a' dich'eegoonzhrii zhit t'aih ndaaną'aji' kwaa ts'a' deehee'yaa nyaą aji gwik'it t'ih'e'yaa vaagwiindaii gwinzii diits'an ohtsyaa. ¹⁷Nakhwadrii zhit gwinzii t'akhwa'yaa gwik'eegohdaii ts'a' deekhwa'in ts'a' dohnyaą gweedhaa datthak gwinzii t'akhwa'yaa geenjit t'aih nitsii nakhwats'an ohtsyaa.

Thessalonica Kwaiik'it Gwik'injiighit Naji Diineenjit Khagadqhii

3 ¹Dijyaa naji, diineenjit khagadqhii, K'eegwaadhat Vagwaandak Nizii nijuk datthak khan gwigweheetth'ak eenjit ajits'a' gwihil'ee haa nakhwan jyaa dakhwazhit gwik'it geedan chan nakhwak'it gwagwahoondal geenjit. ²Dinjii tr'aanduu ts'a' dinjii iizuu naji, Vit'eegwijyahchy'aa gwats'an tr'ineeheelyaa geenjit chan khagadqhii, juu naji datthak Gwandak Nizii giitth'ak gaa gwik'injigiighit kwaa geh'an.

³Gaa K'eegwaadhat khit deehee'yaa nyaą gwik'it t'ii'in, hi'didlii nilii ts'a' Ch'anky'aa Tr'aanduu tr'agwaanduu t'akhwa'in nakhwahahtsyaa gwits'i' nakhwak'eehahtyaa ts'a' t'aih chan nakhwats'an hahtsyaa, t'inchy'aa. ⁴K'eegwaadhat, deekhwa'in nakhwarahnyaą geenjit nakhwats'inyaą aji tth'aii tseenjyaa gwik'it t'akhwa'yaa geenjit t'aih nakhwats'an ahtsii gaagwiindaii.

⁵K'eegwaadhat aji deegwaht'oo Vit'eegwijyahchy'aa nakhweenjit ch'et'igwiniindhan di'iji nakhwats'a' gwahahkyaa ts'a' nijin nakhwaa gogwantrii daji' duuyeh zhyaa akhagohnyaą, Christ zhyaa akhagoonyaą kwaa gwik'it.

Thessalonian Gwik'injiighit Naji Tee Goolat Tr'agoodiinjik Naji Tr'agwahoh'yaa Gwizhrih Goo'aii

⁶Dijyaa naji, K'eegwaadhat Jesus Christ voozhri' zhit juu nakhwatee gwik'injiighit ts'a' tr'agoodiinjik ts'a' jidii geegooraatin

ąjį gwik'it gwagwandaii kwaa ąjį ts'į' adak'qontii nakhwarahnyąą t'igwinyąą. ⁷Zhat nakhwaa tr'iik'įjį ąjį, tr'agoodiriinjik kwaa gaakhwandaii ąjį gwik'it t'akhwa'in, ⁸ts'ą' shih tr'a'aa chan eenjit gwarookwat. Tq, ts'ą' drin haa gwint'aii gwitr'it t'agwarah'in, shih tr'a'aa eenjit gwarooheekwat geenjit, jyąhts'ą' gwik'iighai' nakhwat'eegwahahchy'aa kwaa geenjit. ⁹Nakhwatee gwitr'it t'agwarah'in geh'an khan ji' gaa diich'oh'aa nakhwarahaanjyaa gaa gwint'oo gwitr'it t'agwarah'ya' ąjį diits'ą' hohjyaa geenjit t'igwii'in kwaa gaa diik'it dinjii khohlyaa geenjit t'igwii'in. ¹⁰Ąjįts'ą' nijin nakhwaa tr'iik'įjį ąjį, jyaa nakhwarahnyąą, "Juu tr'agwah'in gitr'ii'ee ji', shih hee'aa vant'hohtsit shrq'!"

¹¹Nakhwatee gwa'an dinjii lat ąjį tr'agoodiinjik gwinyąą gwiriitth'ak ąjį geh'an jyaa digwinyąą t'igwinyąą. Tr'agwagwah'in kwaa gwiizhit ch'izhii dinjii ąjį tee gaanigwigwii'aii.

¹²K'eegwaadhat Jesus Christ vat'aii k'iighai' dinjii jyaa dii'in ąjį jyaa dakhwa'in kwaa goorahnyąą gaa khai'gwidlii haa shih gihee'aa eenjit gwitr'it t'agoh'in goorahnyąą.

¹³Gaa shachaa ąjį, nakhwan gwinzii t'akhwa'in ąjį geecheekhwaandak ts'ą' akhagohnyą' shrq'! ¹⁴Nakhwatee gwa'an dinjii lat ąjį jii dęhtly'aa nakhwats'ą' dęht'oo k'eegwahthat kwaa ji' juu ąjį t'iginchy'aa goonoondaii ts'ą' goovaa qhł' shrq', ąjį ji' oozhii giheelyaa t'iginchy'aa ¹⁵Gaa dinjii itr'igwii'ee k'it goots'ą' dinjii qhł' shrq' gaa diichaa ts'ą' girinkhii k'it goots'ą' gohkhi ts'ą' jyaa dakhwa'in kwaa goovohnyąą.

Thessalonian Gwich'in ąjį Eenjit Khagidiinjii ts'ą' Nakhwadiveegozų'

¹⁶It'ee K'eegwaadhat, adan tsinehdan nilii ąjį vats'an tsinehdan gwanlii, gweedhaa datthak tsinehdan nakhwant'oolyaa ts'ą' nijuk datthak geenjit nakhwant'eegoolyaa. ąjįts'ą' K'eegwaadhat datthak nakhwaa oolį'!

¹⁷Jii dęhtly'aa t'ee shį Paul ihłii shanli' haa danoit'oo t'inchy'aa. Juu ąjį datthak jii dęhtly'aa t'ee shį danoit'oo giyyaaheendaii geenjit, jyąhts'ą' dęhtly'aa kwaii dęht'oo t'oonchy'aa.

¹⁸Datthak ts'ą' K'eegwaadhat, Jesus Christ vich'eegoonzhrii nakhwaa oolį'!